



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 26, Datë 14.02.2022

**MBI
PËRCAKTIMIN E ÇMIMIT TË BLERJES SË ENERGJISË ELEKTRIKE TË
PRODHUAR NGA BURIMET E VOGLA TË RINOVUESHME NGA DIELLI DHE NGA
PJESA E BIODEGRADUESHME E MBETJEVE TË NGURTA QË SHFRYTËZOJNË
MBETURINAT INDUSTRIALE, URBANE DHE RURALE PËR VITIN 2021**

Në mbështetje të nenit 10, pika 3, të ligjit nr. 7/2017, “Për nxitjen e përdorimit të energjisë nga burimet e rinovueshme”, nenit 90, të “Kodit të Procedurave Administrative të Republikës së Shqipërisë”; Vendimit të Këshillit të Ministrave (VKM) nr. 369, datë 26.04.2017, “Për miratimin e metodologjisë për përcaktimin e çmimit të blerjes së energjisë elektrike të prodhuar nga burimet e vogla të rinovueshme nga dielli dhe era”; VKM-së nr. 27, datë 17.01.2018, “Për miratimin e metodologjisë për përcaktimin e çmimit të blerjes së energjisë elektrike të prodhuar nga gjeneratorët e vegjël me burime të rinovueshme nga pjesa e biodegradueshme e mbetjeve të ngurta, që shfrytëzojnë mbeturinat industriale, urbane dhe rurale”; VKM-së nr. 580, datë 28.08.2019, “Për miratimin e planit të konsoliduar kombëtar të veprimit për burimet e rinovueshme të energjisë, 2019–2020”, e ndryshuar dhe nenit 15, të Rregullores për organizimin, funksionimin dhe procedurat e ERE-s, miratuar me vendimin e bordit të Entit Rregullator të Energjisë (ERE) nr. 96, datë 17.06.2016; bordi i ERE-s në mbledhjen e tij të datës 14.02.2022, mbasi shqyrtoi relacionin e përgatitur me nr. 236/3 prot., datë 11.02.2022, nga Drejtoria e Tarifave dhe Çmimeve, “Mbi përcaktimin e çmimit të blerjes së energjisë elektrike të prodhuar nga burimet e vogla të rinovueshme nga dielli dhe nga pjesa e biodegradueshme e mbetjeve të ngurta që shfrytëzojnë mbeturinat industriale, urbane dhe rurale për vitin 2021”,

Konstatohet se:

- ERE është autoriteti përgjegjës për përcaktimin e çmimit të blerjes së energjisë elektrike të prodhuar nga burimet e vogla të rinovueshme me kapacitet të instaluar të energjisë elektrike deri në 2 MW dhe me kapacitet të instaluar të energjisë elektrike deri në 3 MW për energjinë e erës, në përputhje me metodologjitë e miratuara nga Këshilli i Ministrave.
- Bordi i ERE-s me vendimin nr. 222, datë 09.11.2021, vendosi fillimin e procedurës “Mbi përcaktimin e çmimit të blerjes së energjisë elektrike të prodhuar nga burimet e vogla të rinovueshme nga dielli, era dhe nga pjesa e biodegradueshme e mbetjeve të ngurta që shfrytëzojnë mbeturinat industriale, urbane dhe rurale për vitin 2021”.
- Në vijim të vendimmarrjes së sipërcituar, ERE me shkresën nr. 1111 prot., datë 26.11.2021 njoftoi Ministrinë e Infrastrukturës dhe Energjisë, Ministrinë e Shtetit për Mbrojtjen e Sipërmarrjes, Autoritetin e Konkurrencës, si dhe Agjensinë Shqiptare të Zhvillimit të

Investimeve lidhur me fillimin e procedurës për përcaktimin e çmimit të blerjes së energjisë elektrike të prodhuar nga burimet e vogla të rinovueshme nga dielli, era dhe nga pjesa e biodegradueshme e mbetjeve të ngurta që shfrytëzojnë mbeturinat industriale, urbane dhe rurale për vitin 2021.

- Autoriteti i Konkurrencës me anë të shkresës nr. 499/2, datë 07.12.2021, është shprehur se kjo procedurë nuk bie në kundërshtim me ligjin nr. 9121, datë 28.07.2003, "Për mbrojtjen e konkurrencës", i ndryshuar.
- ERE me shkresën nr. 1120 prot., datë 02.12.2021, i kërkoi informacion MIE-s, mbi subjektet të cilat kanë marrë autorizimin paraprak apo miratimin përfundimtar për ndërtimin e veprave për prodhimin e energjisë elektrike nga burime të vogla të rinovueshme nga dielli dhe era; si dhe për gjeneratorë të vegjël me burim të rinovueshëm nga pjesa e biodegradueshme e mbetjeve të ngurta, që shfrytëzojnë mbeturinat industriale, urbane dhe rurale për vitin 2021.
- MIE me shkresën nr. 8779/1 prot., datë 20.12.2021, bëri me dije ndër të tjera se:
 - ka pranuar shqyrtimin e 17 kërkesave për ndërtimin e kapaciteteve të reja gjeneruese të energjisë elektrike fotovoltaike me kapacitet 2 MW secila, dhe do të njoftojë ERE-n për përfundimin e procedurave ligjore lidhur me miratimet paraprake që do të lëshohen brenda vitit 2021;
 - janë lëshuar 7 miratime paraprake, prej të cilave 5 miratime paraprake me kapacitet prodhues me nga 3 MW, 2 miratime paraprake me kapacitet prodhues me nga 2 MW dhe 1 miratim përfundimtar me kapacitet 2 MW, gjatë vitit 2021;
 - për ndërtimin e impianteve prodhuese të energjisë elektrike nga pjesa e biodegradueshme e mbetjeve të ngurta, që shfrytëzojnë mbeturinat industriale, urbane dhe rurale, pranë MIE-s, nuk është paraqitur asnjë kërkesë gjatë vitit 2021.
- ERE me anë të shkresës nr. 62 prot., datë 13.01.2022, me qëllim vijimin dhe finalizimin e procesit të nisur me vendimin nr. 222, datë 09.11.2021 të bordit të ERE-s, i kërkoi MIE-s informacion mbi statusin e aplikimeve të cilësuar në shkresën nr. 1120 prot., datë 02.12.2021 për vitin 2021.
- MIE me anë të shkresës nr. 346/1 prot., datë 25.01.2022 bëri me dije se, ka lëshuar:
 - *16 Miratime Paraprake për ndërtimin e kapaciteteve gjeneruese të energjisë elektrike fotovoltaike me kapacitet 2 MW secila, dhe ka pranuar shqyrtimin e 8 aplikimeve me kapacitet me nga 2 MW secila, të cilat janë në fazë vlerësimi;*
 - *7 Miratime Paraprake për ndërtimin e kapaciteteve gjeneruese të energjisë elektrike eolike, prej të cilave 5 Miratime Paraprake me kapacitet prodhues me nga 3 MW secila, 2 Miratime Paraprake me kapacitet prodhues 2 MW secila dhe 1 Miratim Përfundimtar me kapacitet të instaluar 2 MW.*
- Në kushtet kur:
 - MIE ende nuk ka përfunduar procesin e vlerësimit të aplikimeve për teknologjitë fotovoltaike deri në 2 MW, teknologjitë eolike deri në 3 MW dhe ka bërë me dije se për ndërtimin e impianteve prodhuese të energjisë elektrike nga pjesa e biodegradueshme e

- mbetjeve të ngurta, që shfrytëzojnë mbeturinat industriale, urbane dhe rurale, nuk është paraqitur asnjë kërkesë për vitin 2021;
- Procesi i finalizimit të dhënies së miratimeve përfundimtare për ndërtimin e centraleve prodhuese nga këto teknologji është në fazë vlerësimi dhe do të vijojë përgjatë vitit 2022;
 - Nuk gjen zbatim përcaktimi i çmimit për këto teknologji, në mungesë të kostove konkrete të investimit për vitin 2021.
- Në aspektin procedural, bëhet e nevojshme mbyllja e procedurës së nisur me vendimin nr. 222, datë 09.11.2021 të bordit të ERE-s, lidhur me përcaktimin e çmimit të blerjes së energjisë elektrike të prodhuar nga burimet e vogla të rinovueshme nga dielli dhe nga pjesa e biodegradueshme e mbetjeve të ngurta që shfrytëzojnë mbeturinat industriale, urbane dhe rurale për vitin 2021.

Për gjithë sa më sipër, bordi i ERE-s,

Vendosi:

1. Përfundimin e procedurës administrative të nisur me vendimin nr. 222, datë 09.11.2021, mbi përcaktimin e çmimit të blerjes së energjisë elektrike të prodhuar nga burimet e vogla të rinovueshme nga dielli dhe nga pjesa e biodegradueshme e mbetjeve të ngurta që shfrytëzojnë mbeturinat industriale, urbane dhe rurale për vitin 2021.
2. Drejtoria e Tarifave dhe Çmimeve, të njoftojë Ministrinë e Infrastrukturës dhe Energjisë, Ministrinë e Shtetit për Mbrojtjen e Sipërmarrjes, Autoritetin e Konkurrencës, si dhe Furnizuesin e Tregut të Lirë sh.a. për vendimin e bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t'i kërkojë ERE-s,- brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI

Petrit AHMETI